

# Qaujiharniq Kiuviiniit: Hilaup Aallannguqpallianingit Munaqhainirnut

## Ilitquhirijangit unalu munaqhainirnut nunaup iluani auktulaittut iluani Qurluq Nunallaangit Minnguivik

*Qanuq aallannguqtiquhimajut hamna nunaup iluani auktulaittut qanurilinganingit  
ihuiluutaujut Nunakkuurutikkut ATV inikhangit?*

### Tuhagakhaujut

- Hikut ilanganit amihuujujut iluani Qurluq Nunallaangit Minnguivik inikhangit unalu najugait haffumani nunaup iluani auktulaittut hururningit haniraanit apqutinga unalu Nunakkuurut ATV inikhaq.
- Minnguivik atanngujait nunalingnit hivuliqtuijut atuqhugit nalunaitkutaq uvanngat nunaup iluani auktulaittut qaujiharniq unalu munaqhainirnut aktuqtailijakhaat apqutikkut atuqhutik Nunakkuurutit ATV iningit ihuqhijakhaat inikhautikhangit uvunga Qurluq Nunallaangit Minnguivik Nunavunmiunut.
- Ilihimajakhaat qanuq nunaup iluani auktulaittut qanurilinganingit iluani Ukiiuqtaqtuq aallannguqpallialiqut ikajuutauniaqtut nunaliit maniliurahuagtunut ihuarijamingnit aturaaqtakhangillu.



### Hulivaktugut

Qaujahaqtit, nunamiuqatigiit inulramiit, unalu aallat nunamiuqatigiiktunut ilihaqhimajut nunaup iluani auktulaittut qanurilinganingit iluani Qurluq Nunallaangit Minnguivik hannaijariiqhimajut munaqhaivikhangit najugaanit nipiliuriangani hivunikhanut aallannguqtirningit. Ilihaqtangit hivunigijaat qaangani nunakkut avatikhainit inikhaat apqutit unalu Nunakkuurut ATV apqutingit minnguivik iluani kangiqhijaangani qanuq aallannguqtiquhimajut nunaup iluani auktulaittut qanurilinganingit ihuiluutaujut aturluarijaat ikaaqattaqtut nunalingni Qurluqtumi.

### Humik Ilittuqhijamajugut

Kigligutaanit atulihaaqtumi nanihimajaat uvanngat nunaup iluani auktulaittut qitqanit unalu nunaup iluanunngalaaqtut alrujaqtuqtuq, qaujahaqtit nalvaaqhimajut hamna maniraq tahamani puqtuhijumik hikuqaqhuni ilulia amihuujujut hiku ilanganit, Taimaa nunakkuurutit qajagijaat aukturaangat, hiquमितkumi, ahirurumi taimaa angiklivalliajuq tamarmik qaffiujut aktilaangillu tahirait nunangani. Tahapkuat piliriakhat ilitturnaqtut ilitquhirnut hamna nuna unnakpallianingit, ihuiluutaujut qaangani ajuqhautingit haffumani atuqpaqtut Nunakkuurutit ATV atuqhutik.

**Havaatigut hivuliqtuijut\*:** Leese Papatsie, Gary Atatahak unalu Larry Adjun haffumani Nunavut Minnguivik unalu Inikharluangit, Nunavut Kavamangit



*Qaujahaqtit, ilagijaujut Qurluqtuq inulrammiit unalu minnguivik havaktit, aulapkaihimajut ihuarijaanit nunaup ikuugut ihivriuhiivlutik nunaup iluani auktulaittut.*



## Nunalingnit ikajuqhimajut unalu ilauqatauhimajut

Ablurvikhangit nakuuqpiaqtumik havaqatigiingnaqtut havaarijangit ilagijaat:

## Nunalingni ilagijaujut

Qaujhaqtit havaqatigiiktut atauttimut ukunangat Qurluq Nunalingnit Parnauqatigiiktunut unalu Munaqhainirnut Katimajit (CJPMC) nalunaijavlutik qanuq qaujahaqtangit hivunikhaat munaqhajakhaallu havaarijakhanut pivallianingit.

## Qaujijamangit turaarviujuq

Inulrammiit, Nunaqaqaqhimajut Qaujijamangit unipkaaliuqtit, unalu qaujahaqtit ilihagatigiiktut ilauqatauvlutik inulrammiit aujiivingit, Nunavut Minnguivrit Ublunganit hulijakhautit, hulilluaqhutik.

## Ilihautikhaq

Havaarijakhat hiviliqhiijut hulilluaqhutik avatikhangillu inulrammiit ilauqatauhimajut ilihaghutik inikhautikhangit tamainnut inuudjuhingat haffumani qaujiharniq havaarijakhaq.

## Ingutaaqtut kiuviiniit

Qaujahaqtit pidjarikhivlutik kiuviiniit angmaumavlutik nunalingni ihumaliuqtinut uvuuna unipkaaliuqhimajut kitunuliqaak inungnut naalautikkut, uqaqhutik uvunga CJPMC, unalu ilauqatauhimajut katimavlutik.

## Hungmat qanurilingajukhat

Una kiuviiniit uvannat ilihagtangit nalunaiqhimajut ihumaliuqtangit nutaami ikaarviliuqtut Nunakkuurutit ATV apqutingit Qurluqtuq Nunallaangani Minnguivrik nalunaiqtauhimajut inikhangit hiku-anginiqhautingit nunaup iluani auktulaittut unalu ilitquhiita nunaup iluani auktulaittut hiqumingningit. Una nutaaq nunakkuurutit ATV inikhangit naiglihimajuq ihuittumik ihuilluutigijangit manirarmi nunat avatiqatigiiktut. Aturaaqtakhangit nunalingnit-munaqhajangit akhuuqtangit haniraani nutaamik Nunakkuurutit ATV inikhaat taimaa hivuuranaittukhavluni aulattittinaqhunilu aturaaqtakhaat.

Hamna ukiuqtaqtuq hilaup uunnakpallialimat, aallannguqtiqhugulu nunaup iluani auktulaittuq qanurilinganingit hivitujumik ihuaqutingit illittuqhimajakhaat, hivuuranaittumik, aturaarnaqtumik qulvahikturmiunut utiqattaqtut inikhautikhangit. Una qaujiharniq ikajuutauniaqtuq kangiqhittariangani qanuq hamna nunaup iluani auktulaittuq aallannguqpallialiqtuq nunangani, taimaa nunamiuqatigiit apquhiuqtukhaujut kativliuhimajangit tamarmik pijumajainnit aallannguqpalliajumik maniraa avatingit.

## Hiku hiquvluit

Nunaup iluani auktulaittut taimaa qupilaaqhutik qaajurnaqtumik ukiumi niklaqpaiqtumi. Taimailinniqqat, imaq uvannat upinggaami aputit auktuliraangat qupingningit iluanunngaqpakhutik, kinguani qiqivakhutik. Kiuviiniit taqanga hikumi takunnarumi iluani auktulaittumi ilihimajaujuq hiku ilangani, taimaa angiklivakhutik, hivituvlutik, hitivlutik qakugunnguraangat taamna auktuumivakhuni qiqivakhunilu taimailiqattaqhutik.

Nunami, hiku ilangani takunnaqtuq taimaa hiku imujutut itpaktuq taimaa nunap ilitquhiqaqpaqtuq.



(quuliqmi) Una qulaangat piksa takukhaujuq nutaaq Qurluq Nunallaanmi Minnguivrik Nunakkuurutit ATV apqutaat hanajaujuq uvani 2019 mi. Hiku ilangani, ilitquhiita haffumani nunaup iluani auktulaittut, takunnaqtut. (qulaani taliqpiani), Una nunaup iluani auktulaittut nunanga ihivriughiijut, kititiqhutik hinaani Nunakkuurutit ATV apqutaa, amigaittumik hikuqaqhuni iluliangat.

\* Qaujiharniq parnautigiiktut: Michael Allard unalu Marc-André Ducharme, Université Laval; Stephanie Coulombe, Ukiuqtaqtuq Qaujijamangit Kanata. Iltarijaujukhat: Nunavut Kavamangit Minnguivrit unalu Nunarijaujut; Nunalingni Qurluqtuq; Katimavia d'études Nordique, Université Laval; Samuel Bilodeau unalu Samuel Gagnon, Université Laval; Kugluk Nunalingni Atauttimuqtut Upalungaijaujut unalu Munarijaat Katimajit; Qurluqtuq Anungiaqtit Timinganit; Ukiuqtaqtuq Qaujijamangit Kanata.